

抄印北京圖書館儲藏馬邑舊志殘本

民國廿五年九月



馬邑縣志序

夫志記也然不曰記而曰志者蓋記以記寔跡志以志永久也故一邑典籍惟志為重而守土規畫修志為先乃今三晉之志全備者固多而缺畧者亦不少甚有缺二三十年五六年者且有無志者噫可嘆哉值茲

馬邑縣志

序 一

文明盛際教化隆洽國有史館野有掌故非如繩契以前渺忽亡紀又非如獲麟以後筆削遂絕也何以漫無策勅竟令往跡湮沒而不傳乎然馬邑志前令王君一鳴草創未就趙君承芳欲紹厥事亦未竟其功自王君日新毅然任之而纂修始成迄于今又經一紀矣其間

人才之盛衰風俗之美惡民物之息耗  
與夫興革利病政治得失不無與時變  
更者倘遺而不叙將何以備稽考而稱  
完錄也然邇年來災歎頻仍糧徭逋負  
弊蠹紛麻而人心成玩號為難治方余  
左遷之始惟旦夕永兢以不克勝任贖  
前愆是懼即欲從事于補綴未能也今

馬邑縣志

序 二

茲負者以完急者稍振而他務亦頗次  
第舉行方擬編修原志而  
巡撫山西都臺李公會同  
巡按山西直指康公移檄通省郡縣令  
各采輯刪定以成一方文獻余即踴躍  
奉行因延請宿學博綜王君繼文崔君  
鈿孝廉霍君鏌邑庠生霍子鏘王子道

純霍子鉦霍子鑛李子如榛吳子應舉  
徐子三變元子體震若而人者菟羅裁  
正各效其長近事未載者增入舊蹟散  
佚者考訂余亦以已意時加品藻故不  
泐旬而成帙以付剞劂氏而鏡往詔來  
庶垂永久即以是呈之

馬邑縣志

序三

歷而風已觀舉一邑之事實照然在目  
中矣倘令茲土者撫輿圖則期保障之  
功鑑人品則動法戒之念按風俗則思  
移易之方而綜理民物導利剔蠹俾職  
守不墜而無玷官箴其于斯志也或無  
負已是又所望于後之同志者  
嘗

萬曆三十六年歲在戊申季秋吉旦  
文林郎知馬邑縣事東萊芙蓉宋子質  
拜手書



馬邑縣志目錄

卷之上

輿圖志

建置志

學校志

祀典志

官師志

選舉志

人物志

雜附志

馬邑縣志上

卷之下

藝文志

目錄


城廓圖

官廳

文明塔

北獄廟

教場



城隍廟

公署

觀音堂

察院

分司

縣衙

儒學

文廟

關王廟

魯臺

神機庫

守備衙

所廳

娘娘廟


草場

吏目廳

軍儲倉

崇恩寺

馬邑縣地理圖



廣武城

舊廣武站

下關堡

汴子村

陳家村

西君村

青塚村

史家村

小塗村

北曹村

代堡村

李林村

李元村

滋潤村

拾里村

辛近村

辛村

河林村

羊十庄

唐將廟

比樓村

金龍池

東邵庄

八里墩

馬邑城

桑乾河橋

龍泉寺

司馬泊村

小泊海

大夫庄

水磨村

沿河村

西河村

泥河村

張家村

神頭村

三龍王廟

黃道泉

吉家堡

吳村

馬村

喇河口墩

盤道梁墩

馬頭山墩

中嘴山墩

把瞭山墩

富漢梁墩

高龍王峪墩

鶯臺山墩

齊峯山墩

南祖山墩



馬邑縣志上卷

輿圖志

輿圖之係重矣周禮大司徒掌天下疆域圖而復正於職方氏誠重之也况考古證今採風辨物胥於輿圖乎會之故首及焉

**沿革**本縣禹貢在冀州之北域周屬并州春秋為北狄所據戰國屬燕秦時建城輒崩忽有馬周旋馳走反覆後隨馬跡築之城乃成遂名馬邑漢屬鴈門隋置朔州總管府太業初屬馬邑郡唐貞觀初屬大同開元五年析鄴陽東三十里置馬邑河中節度使遂徙馬邑縣志上

一

州於馬邑五代仍其舊唐明宗置寰州晉滅唐割屬於契丹遼金元因之

國朝仍名馬邑原額八里永樂十年併為六里成化十八年併為四里隸朔州宣德九年置所北展半城居之

**疆域**

縣境在大同府西南二百四十里朔州東北四十

里廣七十三里袤九十五里周圍共三百九十里東至山陰縣界新興鋪四十里西至朔州界七里河三十里南至代州鴈門關界八十里北至朔州界洪濤山一十五里東到山陰縣六十里西到朔州四十里

南到代州一百二十里北到大同左衛一百八十里  
東南到廣武站五十里西南到寧武關一百二十里  
東北到懷仁縣一百五十里西北到井坪城七十里  
東南到布政司四百六十里至北京九百六十里至  
南京三千四百六十里

**分野**

雲中入東井一度鴈門入東井六十度朔州當昴  
畢之分本縣界在雲朔亦屬昴畢之分

**山川**

雷山 縣西北十里下 洪濤山 在雷山之側周圍馬  
頭山 在苗家山之左 洪河峪 縣東北 紫金山 在南山  
十餘里 形勢似馬故名 太和嶺 縣西南 楊六郎寨 在太  
巖盤踞相續不絕

**馬邑縣志上**

西口上楊將軍筆架山 縣南五十里楊鴈門關  
屯兵之所 基趾猶存 峻峭中有一路 藍  
旋崎嶇故老傳楊將軍曾負固于此 桑乾河 于洪源  
濤山金龍池 二水合流 喇河復注 經流縣 小蒲泉 西  
西南東三面至鄆河東 抵山陰 達蘆溝橋 八里在洪濤  
北五里水淵 默澄深源 黃通泉 山縣西北 其水淵深俗傳  
出 不竭 周圍蒲萍茂盛 黃通泉 山縣西北 其水淵深俗傳  
與寧化相通 池 恢河 紅崖村 伏流 十源 寧武山 口北 經流  
水脈相通 池 恢河 紅崖村 伏流 十源 寧武山 口北 經流  
出 經朔州馬邑縣城南 東 黃水河 縣南 二塔底村 復  
流 至莊頭村 入桑乾河 平地湧泉 澄清 鄆河 縣東三十  
里 三泉 不濁 雖隆冬 亦不結凍

**風俗**

本縣界在雲朔肘腋  
京師風聲漸被 斌斌興於禮教矣 但民性渾朴 惟事  
耕耘 飲食衣服多尚簡易 至於慷慨 輕生 剛毅 任俠

信鬼好祈猶不免西晉之故俗云

**形勝**

東護雲中西擁朔郡洪濤山層障於後鴈門關疊峙於前河出桑乾遠九曲而南渡流接恢水障百川而東之誠為北胡鎖鑰然嚴保障謹斥堠慎封守勤偵探又責任守禦者焉

**村堡**

庄頭村

水磨頭村

三家店村

李磨疇村

羅家疇村

東寺院村

西寺院村

西河底村

俱隸縣東

橫河頭村

大夫庄村

榆林子村

鄒和村

羊圈頭村

上沙家疇

下沙家疇

馬邑縣志上

三

泥河兒村

俱隸縣東北

十里後村

李沼疇村

河沿疇村

新近疇村

永安庄村

河淋禽村

劉令史營

新村兒村

滋潤村

下關城堡

楊十二庄村

吳家庄村

青塚村

李林庄村

黃水河村

史家庄村

小寨兒村

代堡村堡

西君村

東君村

陳家庄村

卞子疇村

三泉村

寺頭村

俱隸縣南

北婁番村

南婁番村

辛庄子村

南曹村

北曹村

連兒疇村  
塗臯村  
東邵庄村

吉家庄堡  
神頭村  
司馬泊村

陡溝兒村  
張家口村  
平易村

焦家堡村  
吳佑庄村  
馬跳庄村

舖舍在城舖  
西十里舖  
三家店舖

羅家疇舖  
新興舖  
滋潤舖

卞子疇舖  
察罕舖  
楊十二庄舖

北口舖  
嶺底舖

**古蹟** 櫓臺 老在城內西北隅高四丈餘父長城西達朔州

所築以禦秦始者 古寰州城 寰州遼西為縣古城即其

馬邑縣志上 四

舊金龍池 出暮入馬泊其水淵深清致池中產一馬朝

名其神婆跡 手在洪濤山嶺俗傳有神媪攜子遊石上

存之古峯臺 百餘人厥土堅實虜莫能攻 下闕城村在

東一里許 周八里 古戰場 泥河村東北有戰馬跳

庄古傳尉遲公龍池降馬騎 寰州寺 在縣南二里許

廢六郎寨 在縣南五里父老傳謂楊元忠臣故宅

或宅地門有元忠臣崔斌此基址猶存 峯臺上用鎮水

**八景** 洪濤雨霽 在縣北十里雨霽則嵐光掩映泉溜王

泉秋聲 在鴈門溪 溪有燕子來時綠水人可動潘岳宋

土之鴈門聳秀 又在縣東南峯巒疊翠一帶如列屏障

咏古寰落照池即襄州寺久廢今遺址在恢河南岸基  
鳥投林與落霞相上櫓臺遠眺出在縣城內西北隅高  
下亦一時之奇玩也種欽奇村噴絡繹樓閣非耶龍  
顧但見山光水色然欲仙儻所謂空繹原隰登臨四  
令人心曠神怡飄然十里四圍皆水寺居其中如古  
池月夜辟在縣西北里出東山徘徊牛斗影落池中  
光搖檻列桑乾冬煖同來過縣東至鄴河三十里雖  
瑩然可愛亦不結凍而溫煖之氣如烟神坡古寺  
時當盛寒亦不結凍而溫煖之氣如烟神坡古寺  
如霧散滿於城廓間誰謂塞上多寒哉  
四十里遠隔城市深隱養真之一地也  
喧闐惟見鳥聲雜沓亦養真之一地也

**穀**

黍 稷 粟 大麥 春麥 蕎麥 短豆 黑豆 大豆 扁豆

葫蘆 麻

馬邑縣志上

五

**果**

桃 杏 棗 李 杜梨

榛

**瓜**

西瓜 甜瓜 苦瓜 王瓜 木瓜

**菜**

芹 芥 葱 韭 蒜

茄 白菜 甜苣 莧 茗蓬  
萵苣 波稜菜 蔓菁 藤蒿 芫荽

白蘿蔔 胡蘿蔔 蘑菇 黃花菜 蕨菜  
地皮菜

**花**

葵 菊 石竹 山丹 牽牛

早荷花 金盞 玉梅 薔薇 雞冠

粉團 芍藥 刺梅 萱草花 十樣錦

百般嬌 海納 拳丹 無花果 漫陀羅

水紅花 珍珠花

**木** 榆 柳 桑 槐 椿

栢 松 楊 檜

**藥** 苦參 五味子 管仲 沙參 甘草

麻黃 柴胡 防風 京三稜 川芎

郁李仁 細辛 遠志 威靈仙 桔梗

蒼朮 款冬花 大黃 葶蘆 荊芥

馬邑縣志上 六

黑牽牛 華麻子 御米 地黃 芍藥

枸杞 地榆 益母 黃芩 黃耆

野菊花 石膏 知母 車前子 猪苓

紫蘇 薄荷

**禽** 雞 鴨 鵝 雀 鴉

班鳩 鶉 鴿 鸛 鴛 鴈

鷓鴣 野雞 半翅 石雞 鶯

鶴 鶉

**獸**

牛 馬 驢 猪 羊 犬 兔 貓 鼠

鹿

熊

虎

狼

麀

獐

狐狸

黃鼠

**鱗介昆蟲**

魚

蝦

蛙

蝴蝶

促蠍

螻蛄

蚯蚓

螻蛄

蟬

蛇

蜻蜓

**建置志**

春秋書興作必嚴美刺者重民力也第王公設險以守國君子攸躋以視事有不可因陋就簡者至於田賦橋梁戎馬市廛則內安外攘所係尤重焉因併及之

**馬邑縣志上**

七

**城池**

右傳秦時即有城然皆土墉歷漢唐宋未有易之者我

朝洪武甲辰守朔指揮孫昭奉

命更築隆慶六年巡撫大同劉公應箕按宣大史劉公

良弼會議以築邊城

上請允其奏乃命知縣岳汴守備時爾直分督之經始

於隆慶六年四月落成於萬曆元年十月四面砌以

石基五尺上俱用磚包之角樓四座城樓二座東西

門有重樓高四丈周圍六百四十丈

**公宇**

察院在治東洪武八年縣丞宗秉彝創建大門三間儀門一間正廳五間退廳五間前後廂房

谷三間萬曆二年冬十月被火災署縣事教諭胡璉  
重建萬曆九年知縣趙承芳重修增儀門為三間新  
建穿堂三間

分司在治東大門一間儀門一間前廳退寢各三間  
皂舍儀門各三間

縣治在城中大街迤西南向洪武八年重建前堂三  
嘉己未趙德祐相繼重修萬曆九年知縣趙承芳建

芳牌一座東西六房舊共六間又增修一十六間建  
正堂抱厦三間知縣宅在退堂後典史宅在公廨東

寅賓館三間在儀門外東側預備倉外東側  
一年知縣在儀門外東側預備倉外東側

五日新建  
預備倉外東側

公署在察院前街南正廳一間有半小南房三間  
門樓一座萬曆三十六年知縣宋子質建

馬邑縣志上

八

養濟院北房三間草場俱在縣治西北

廣武驛舍在西門外大門上有樓房三間左右各廂房二  
間馬神廟一間

接官廳在縣西河外大門三間署縣教諭胡璉建  
正廳五間廚房二間

戶口洪武二十四年有戶七百九十二男子三千七百  
二十四

永樂十年戶六百一十八男子二千七百三十五

嘉靖二十七年戶五百一十六男子二千一百一十

五

萬曆十二年戶五百四十五男子一千四百六十九



六 萬曆二十三年戶五百四十七男子二千六百三十

**田賦**

洪武二十四年田地一千四百八十頃九十二畝

六分

夏稅豆麥四千四百九十四石五斗五升四合三勺

五撮

秋糧粟米三千四百六十一石四斗八升三合七勺

八抄

永樂十年田地一千四百六十二頃二十六畝一分

夏稅豆麥四千三百九十石六斗三升三合二勺四

馬邑縣志上

九

抄

秋糧粟米三千四百四十三石五斗五升三合

隆慶年間田地一千二百七十六頃二十二畝六分

夏稅三千三百二十四石六斗四升五合六勺一抄

五撮

秋糧二千五百五十石五斗一升五合三勺

馬草一萬六百五十一束二分一釐五毫六絲

腳價銀一百一十一兩四錢六分八釐九毫四絲五

忽八微

萬曆年間田地一千七百一十七頃五十畝四分三

釐八絲

夏稅三千二百二十四石六斗四升五合六勺一抄  
五撮

秋糧二千五百五十石五斗一升五合三勺

馬草一萬六百五十一束二分一釐五毫六絲

腳價銀一百一十一兩四錢六分八釐九毫四絲五  
忽八微

嘉靖年間牛具銀四十二兩五分八毫六絲

隆慶年間牛具銀四十二兩一錢五分八毫六絲

萬曆二十二年牛具銀四十兩四錢二分一釐八毫

馬邑縣志上

十

六絲

嘉靖二十五年差銀一千一百二十三兩六錢四分

萬曆十二年差銀一千一百九十五兩三錢五分

萬曆二十一年差銀一千五百六十二兩五錢

萬曆二十三年差銀一千五百二十四兩一錢

鹽糧四十七兩三錢七分六釐連閏五十三兩七錢

九分六釐

嘉靖二十五年驛糧一千五百二十石

萬曆十二年驛糧一千二百三十石一斗九升七合

三勺

額徵匠價銀二兩七錢

**課程**

洪武二十四年油房水磨始定課程每歲徵鈔四百六十三錠一貫七百三十九文後復稅及商賈添

銀五十五兩五錢永為定額

**武備**

守府近東門大街南向大門三間儀門一間正廳五間東西書舍二間後廳五間東西廂房六間

守禦千戶所門在守府西大門一間正廳三間

吏目廳在治東北大門一間正廳三間

旗纛廟一在守府東大門

軍儲倉在治東北大門一間倉神廟一間

馬邑縣志上

十一

演武場在城外東坊牌一將臺

**軍器**

盔五百二十甲五百弓一百七箭一千三百腰刀三百

**火器**

鐵二將軍四鐵三將軍四銅手把銃八十大佛郎機四小佛郎機四二次小佛郎機三十銅流星砲二十

一銅無敵手銃一飛鎗砲三雷飛砲五小子砲二十五

大小提砲二百二鈎頭銃四鐵蓋口砲二十飛砲一

神鎗二十毒火飛砲十懸砲七夾靶鎗四蒺藜圓炸

砲七百鉛鉛子千五英子砲七湧珠砲十火藥斤七十八兩

**墩臺**

槽臺墩城在西護城墩墩城在北羅辛中墩十縣東二河南

墩縣東南馬頭山墩縣東北高龍王峪墩縣東北

瞭把山墩縣東北中嘴山墩縣東北富漢梁墩縣東

北四十里鶯臺山墩縣東北寶峯山墩縣東北南祖山

墩縣東北八里墩縣西盤道梁墩縣西喇河口墩

**坊牌**

龍章世錫坊錢奕世烏臺坊鑄貞節坊氏

肅察貞度坊院在察院東進士坊三一為甲辰進士武文立

一為辛巳進士焦昇立雲程坊人為丁酉舉月桂坊田為舉人經元

坊為經魁亞魁坊人為張元相立貞節坊為節婦張氏

**橋梁**

石橋門在東吊橋門在西桑乾河橋 恢河橋 黃水

河橋三橋春秋水發即廢

馬邑縣志上

十二

**市集**

城中市集每旬三日在關王廟前每六日在西關

每九日在察院門前

**屯田**

國初原額官軍一千六百三十二名正統七年撥

安東中屯衛遺留地土置所立屯共地一千六百八

十頃

夏稅豆麥七百九十三石三斗二升一合八勺九秒

九撮三圭

秋糧粟米七百九十三石三斗二升一合八勺九秒

九撮三圭

穀草二千五百七十五束八分

牛具草價銀六十五兩六錢三釐二毫一絲九忽  
嘉靖年間因虜患頻仍屯地荒蕪停徵夏糧一百八  
石二斗六升四合八勺九秒九撮三圭秋糧一百八  
石二斗六升四合八勺九秒九撮三圭  
萬曆二十二年屯田地二百四十九頃五十畝三分  
四釐地畝地二十四頃六十九畝三分牛具地一百  
六頃一十五畝  
夏稅豆麥六百八十五石二斗七升五合  
秋糧粟米六百八十五石二斗七升五合  
草價銀仍舊

馬邑縣志上

十三

**馬政**原額馬一百九十匹見在馬一百七十匹孳牧馬

今革

### 學校志

學校闢士習而世道否泰因之故學之不可以不興也學興則才育才育則化敦化敦而治亦隆矣馬邑雖當邊鄙而士子近多雋髦則霞變雲蒸當必有待其所資藉於學者非淺鮮也可弗志乎至於蒙養始教亦聖功之不可缺者故附於後

儒學

在縣治西洪武二十七年知縣李德重修明倫堂三間左齋三間曰博文右齋三間曰約禮萬曆十年知縣趙承芳因學廟中隔於民舍請動贖金五十兩買民間隙地因恢其規制學宮廟宇聯而為

一重修大門三間東西二齋增為十間儀門東為啓  
聖祠教諭宅在明倫堂西訓導宅在博文宅後萬曆  
二十二年知縣王日新  
又為鋪角路馬

**書器**

誥律二本 易經十二本 勸善書八本 禮記九本 四書九本 五倫

書 四十本 詩經十一本 春秋七本 性理三十本 書經九本

**祭器**

錫籩四十 銅爵十二 錫爵七十

社學 舊在治後久廢萬曆五年知縣王梅於治西買  
民間隙地建廳房三間東西房各二間門樓一座

**祀典志**

祀國之大典也豐功偉績匪祀無以報是故明王重  
之

先師與兩壇等祀其制定矣他若三龍王典一方雨澤

馬邑縣志上

十四

鄂國公著萬古英靈則於祀亦以義起云

**文廟**

正殿五間東西廡各五間

**壇壝**

社稷壇在西北門

風雲雷雨壇在城南祭以城隍配

厲壇在城北

**祠祭**

啓聖祠在儒學大文昌帝君在城南樓東魁星樓在櫓

**名宦**

漢灌嬰 委敬 後魏王仁恭 唐李靖 宋党進 元崔斌

**鄉賢**

明魏張遼 隋乞伏慧 唐周德威 金李完

**城隍廟**

在治西正廳三間退廳三間

**馬聖祠**

在東門外

工神祠在縣治儀門外東

唐鄂國廟在東門樓上

二龍王廟在神頭村

### 官師志

官師者民之宰士之宗也政治之得失教化之淳漓

像馬馬邑官師古籍剝落無從述矣我

朝定職定員咸正罔缺而題名久無記石中間類次年

紀多有差訛而姓名湮沒不傳者亦有馬至於守禦

諸司職專戎馬則於例宜併載云

**知縣**李德洪武年劉談直隸劉經河南齊壽蠡縣人

馬邑縣志上 十五

四年任禁伏克人保安張聰弘治陳達遼東李英山東

善類民到於今稱馬遷安縣人由監生忠厚誠實吏

人趙珣直隸張文燧遷安懷致政而歸士民思焉

王功陝西劉悅舉人高彤舉人吳滋陝西韓魯

山東何崇信直隸羅經山東周廷傑山東苑侃直隸

人王一鸣齊東縣人由訓生徒以振士風改河渠以固

城廓民王嘉霸州人由監生蒞任清勤政高嚴明訓

功誦之直隸倪雲鶴直隸趙德祐陝西李允中直隸

人張臻河南人吳國貢山東登王濟洙直隸宗鑰陝西

人舉岳汴陝西延安人由舉人政善民慕陸陽河南

人史策遼東王梅河南王道舉人魏克頑元氏縣

趙承芳 萬曆八年任 施為霖 萬曆十年任 陳文獻 萬曆十三年任 閻卓

衛縣人 由舉人 施為霖 萬曆十年任 陳文獻 萬曆十三年任 閻卓

萬曆十一年任 康徵 萬曆十二年任 王日新 寧海

監生 萬曆二年任 宋子質 萬曆三十七年任 張弘德 選貢

賈尚志 舉人 李一道 舉人 馮橘 舉人 劉蘊 選貢 任澄

清舉人 李騰蛟 涿州人 馮橘 保定人 劉蘊 鄭州人 任澄

典史 陳廷誥 陝西人 梁世美 蓬萊人 喬萬 富平人 李僑 安肅人

劉級 徐州人 彭守教 直隸人 吉璠 華陰人 洪道中 直隸人 孟序

初恩縣人 孫邦彥 山東人 張宮 陝西人 劉天爵 陝西人 楊君望

朝邑人 萬曆 樊元圃 霸州人 李繼善 丹徒人 潘士賢 通州

二十年任 馬邑縣志上 十六

程慶元 合肥人 廉進秩 山東平陰人 金必典 江南桐城

政士 庶思 馬 順治元年任 唐威 鳳陽人 謝旻 慶都人 劉璋 陽武人 陳寧 順

教諭 李聰 雄縣人 唐威 鳳陽人 謝旻 慶都人 劉璋 陽武人 陳寧 順

人 趙爵 垣城人 張榮 臨清人 王永裕 武功人 李善 晉州人 李玳

海豐人 馬尚德 萬全右人 俠良 謨 高陵人 王機 賓州人 唐士元

齊河人 戚世登 安州人 張克忠 閩鄉人 胡璉 固城人 李騰霄 黎

人 羅廷璋 霍州人 申道 山西人 楊思之 遼州人 張典 南陽人 張

澤民 直隸人 程鵬 萬全右衛人 鄭光祖 陝西人 任貞 陝

人 馬化龍 保德人 孟時芳 城武人 王繼文 曲陽人 韓國彥 廣平

訓導 李昂 原石人 崔倫 直隸人 張鑑 直隸人 惠璧 蒲城人 牛珣 磁

人 崔倫 直隸人 張鑑 直隸人 惠璧 蒲城人 牛珣 磁

人 崔倫 直隸人 張鑑 直隸人 惠璧 蒲城人 牛珣 磁



人王寶人鉅鹿張仁人齊東文舉人寧夏苟廉人陽信閻景陽  
 高陽劉昂人初州李棟人趙州馬萬程人定州許汝端人東安  
 郭廷棟人平鄉高彥臣人武振高冠人解州弓邦衛人崞縣翟  
 仲爵人懷來李萃芳人忻州鍾邦望人河曲一人萬曆  
 楊時暢人漢中崔鈿人安陽李應昕人猗氏

**守備**

張鑑千本戶所李淮指大周勇指左谷琳指右呂鎮指大  
 指許鎮指大馬芳指大王輔指大陳銘指大王招指大  
 指陳恭指右朱璋指天張璽指平韓鎮指大董璽指大  
 指孫安指靈王浩指大王鏞指大蔣譚指直李璋指大  
 馬邑縣志上 十七

馬邑縣志上

十七

指薛柱指保李世爵指偏邊大振指山張士英指武  
 指時爾直指沁楊培指應楊一名指偏閻金臯指直  
 武進莫如德宣府武武席仲仁左戶衛聶蘭指右馬紀指宣  
 武進孫承賜千陽宋世相千右鄭國珍人陝西綏德指衛萬  
 曆二年任王之都指寧李國忠指右王國綱指大同  
 陳大亨指北王士俊指右楊金指千張勳指鎮袁至忠指鎮陸  
 所官  
 陳國謨指鄭建邦指千楊全指千張勳指鎮袁至忠指鎮陸  
 甲鎮沈廷章指百願綱指百夏天臣指百鄭承勳指百方勳指百

**所官**

甲鎮沈廷章指百願綱指百夏天臣指百鄭承勳指百方勳指百

所吏目

蕭大經霸州人 王一中直隸人 李瑾山東人 孟萬倉直隸人  
 萬世庫臨清人 潘謨浙江人 馬勇陝西人 李秉齊山東人 韓  
 東藩河南人 周承儒三原人

選舉志

鄉會之制所以掄一省之秀萃天下之英也即周禮賓興升於大司徒遺意我

朝名卿碩輔率由是徒以出馬邑奮跡科甲者前亦有人迨嘉靖戊子而後寥寥矣謹志之用做後學以自勵云

馬邑縣志上

進士

田彭成化十七年進士 武文弘治甲子進士 焦昇正德丁卯  
 李從心萬曆辛卯進士 霍鏌御史通政 祀鄉賢

舉人

郭津永樂十年 張敬永樂十一年 郭太永樂十一年 王佑成化  
 孫雄成化四年 陳憲成化十年 張元相嘉靖五年 霍鏌萬曆癸

歲貢

曹泌任御史 田疇任常熟縣 宋亮任漢陰 張諄任  
 張顯任照磨 趙亮任獲鹿 魏茂任靜海 趙郁任朝

孫志任新城縣 翟昶任萊蕪縣 田貢任四川 武鑑任

張端任夏津縣 王佐任江寧縣 王宗任延安 段春任

吳麟任白水縣 趙寧任高城 王弼任寶慶 張禮任

王瑄任延津縣 尹鑑任杭州府 元恕任寶慶府 孔鑑任

王瑄任延津縣 尹鑑任杭州府 元恕任寶慶府 孔鑑任



馬邑縣志上

二十

例貢

賈冲

賈正明

益都縣丞

齊鈞

揚州照磨

齊尚卿

田浩

齊宗良

段世勳

田玉種

霍呈芳

鴻臚寺序班

霍揚芳

田大成

霍毓芳

霍濟芳

霍之瑾

李蕪

人物志

夫繩劔不必其莫邪銛鋒也繩人不必其紆朱拖紫也馬邑多賢豪隱見不同其負異懷奇有足多者故自漢唐宋以來或勲業之著或德行之淳或節義之全雖其任質蹈志各以彙別然僉足以勵世云

達士逸士漢

聶壹 馬邑豪因太行王恢言匈奴武帝從可

恢議使韓安國等將軍騎村官三萬餘萬匿馬邑旁  
谷中陰使聶壹為間單于穿塞將十萬眾入武州塞  
得雁門尉使知王霸為漢戶部尚書避王莽亂棄官  
其詐遂引兵還從者皆恐至淳沱河兵至曲陽傳聞  
王郎兵在後從者皆恐至淳沱河兵至曲陽傳聞  
可濟霸往視之恐驚眾即說曰水堅可渡白水漸不  
堅霸乃獲渡未畢水解明周黨五年召徵至京師入  
帝五年圖像雲臺以報焉周黨五年召徵至京師入  
見伏而不謁自  
東願守所志

三國

張遼 字文遠從曹操討袁譚有

隋

乞伏慧 郡公後拜曹州刺史

唐

苑言揚 單雄信 苑君璋 馬邑周德威 字鎮遠事

馬邑縣志

二十一

師配享尉遲敬德 驍勇絕倫善避稍先事劉武周後

宗廟享尉遲敬德 驍勇絕倫善避稍先事劉武周後

周

党進 都虞侯卒贈侍中騎

金

李完 以忠誠歷官至按察使

元

崔斌 兼資有惠政卒謚忠毅 崔彧 為御史中丞至平

國朝

曹泌 任江西北監察御史行清介致 田彭 居家孝友蒞

任忠清居鄉行不就 武文 兩任知縣博學能文聰穎有

輿邑人多感慕焉 就 武文 兩任知縣博學能文聰穎有

霍錢 歸來攸遊綠野 歷官三任清白傳家祀鄉賢

節婦

韓氏 三歲喪夫守志四十五年卒 張氏 女適庠生

元天瑞不幸早喪張氏撫育  
遺孤教以義方誓不再醜  
撫育之遺孤方誓不再醜  
也 不幸亦卒 杜氏 偶守節教子再無異志  
陸氏 知縣陸宗前張氏

雜附志

馬邑當朔漠之地自漢唐宋以來中殘於兵燹者固  
多歷歷可紀然亦邊圉常事故畧之不述至於事紀  
關於邑者亦興衰之槩遺塚見於邑者亦感慨之因  
他若廟寺之設雖為不經然而福善禍淫義誠大焉  
皆附志之

事紀官

咸寧五年閏七月馬邑雨雹元康五年九月鴈  
門馬邑太原上黨災風傷稼明年氏羗反叛十  
月馬邑青虫食禾葉十傷五六

馬邑縣志

唐

大中三年十月辛巳馬邑地震有聲壞民廬舍  
邑地震有聲壞民廬舍

國朝

萬曆三年七月水災十六年秋大熟嘉穀一莖七穗  
閏丞相墓在吳佑存青塚王昭君墓考昭君墓在

墓塚元

化外豐州西北石羊尚存青塚王昭君墓考昭君墓在  
庄西相墓在吳佑存青塚王昭君墓考昭君墓在

廟寺

三官廟 東閣下文白衣大士庵 一在北街倉東霍鍾芳建  
昌閣下文白衣大士庵 一在北街倉東霍鍾芳建


北嶽廟 在東龍王廟 在縣聖母廟 一在治西一觀  
門外龍王廟 在縣聖母廟 一在治西一觀

音閣 在治觀音亭 一在治東街宗恩寺 在治北玄帝  
東在治觀音亭 一在治東街宗恩寺 在治北玄帝

廟 在櫓龍泉寺 泊西馬增福寺 在河頭棲雲寺 在寺高  
臺上龍泉寺 泊西馬增福寺 在河頭棲雲寺 在寺高

龍王廟 在沙家蒼山大王廟 塚在青龍王廟 在城東河南  
在沙家蒼山大王廟 塚在青龍王廟 在城東河南

十六年知縣宋子質建三 五道廟 在西門外  
知縣宋子質建三 五道廟 在西門外



馬邑縣志下卷

藝文志

文以貫道彰往而昭來者也馬邑文藝屢經兵燹僅存什一於千百或著為傳記或形為詩歌雖言人人殊要皆茹英吐華一本於道中文義無足取者不錄

**碑記**

脩馬邑縣學志

僉事王從鼎撰

皇明大一統郡縣徧設學校以道德淑人心秦漢唐宋以來未有盛於今日也凡有官守者以崇文教飭祀典隆廟貌為知所先而不忘道之所自否則君子不錄馬邑學興創無可考前人之為何其苟簡而所以

馬邑縣志下

一

處吾夫子何其薄哉正殿聖賢神靈所棲制宜宏敞禋止三間而風雨不蔽餘皆歲久故構摧落頽垣敗壁幾為草莽之鄉過者瞻之孰知夫子宫墻之所在也我新河陳公寬以憲副按察冀北適蒞茲邑謁夫子廟喟然嘆曰吾夫子道德高厚與天地同運一廟之崇卑在夫子固不足以為損益但教化之地古今同仰鄙儒俗吏不知所先乃為夫子吝財若是乎隘且陋也因召宰邑者咎之咎曰四里小邑彫瘵久矣烏能舉大役屢曾申請上司不曰仍舊貫則曰俟歲豐登不曰工費浩則曰事非急務非吾罪也因按縣



藏果無餘積適有犯侵察院舊址者悉復之而以東南一區兌民間址以闢學門大路又措置銀二百餘兩委典史張信召工飭材以司出納增正殿二間而新其塑像隆其雕飾餘悉撤其舊而新之曰明倫堂戟門曰櫺門星曰庖曰廩各為間者三曰號舍為間者十四殿廡之上黝堊丹漆煥然維新堂門以下皆中矩度經始於弘治辛酉三月落成於十月知縣張文燧教諭唐盛訓導杜森與諸生謀曰邊方小邑學校久廢今輪奐一新而士氣倍增儒風丕振大為茲邑之光是後也烏可不書諸石以昭示永永因具始

馬邑縣志下

二

末狀求予記予謂有天地則有吾道有吾身則知有夫子大而三綱五常小至一事一物道吾不在吾夫子揭道之的以詔萬世微夫子孰知為臣而忠為子而孝乎我陳公以儒起家由進士拜監察御史擢僉事副使所至聲迹赫然皆由夫子之道而顯也茲學之脩其知所先而不忘所自者歟昔李鄴侯新處州孔子廟韓昌黎稱之曰鄴侯尚文故其為政知所先後今馬邑之功何愧於處州惜無昌黎之文以揄揚之如予之粗淺烏足以當紀載之任聊以塞二三子之求耳然陳公之功亦非予文所能盡也是為記

脩馬邑縣城記

教諭張克忠撰

馬邑城巔末沿革見諸前志然形勢雖雄不過屹然土壙而已以之抗醜虜捍強敵非所宜也時隆慶六年巡撫大同地方劉公應箕按宣大史劉公良弼因北虜款貢適厯內憂乃協謀具疏上請凡應山懷馬悉

請磚之蓋欲為未雨綢繆之謀以奠

國家無疆之基也於時

上允其奏財發於帑工出於丘以厥任責成於知縣事

岳汴守備時爾直比三年之內務覘成效二公夙夜

馬邑縣志下

三

勤勞罔敢暇逸公賞罰以勵工匠均勞逸以平役使不二載而大工告成紀其時經始於隆慶六年暮春之朔落成於萬曆元年中秋之望夫厥功既成乃要其支費括其出納度其規模以紀其盛大墻敵臺所以雄保障也周圍共六百四丈高三丈甕城二座所以樹重關也周圍共六十丈各高三丈四尺女墻一圍所以捍矢石也通長高四丈月城二座所以聯抱掩也周圍共五十丈高二丈東西二門如制三重縵以鐵葉固以鋼釘鏗乎其堅也東西起大樓二座四面鋪樓各三座四角敵樓一座危乎其崇也城之

基奠之以石共用石條四千五百大石之上積之以  
磚共用磚三百五十六萬四千箇聯磚石而一之者  
灰也共用灰一萬八千四十五石造磚石而成之者  
夫也共用軍民夫匠七百餘名夫役非糧則疲共食  
口糧四百八十石四斗七升工匠非賞則惰共用工  
價銀四百四十兩八錢四分鹽菜所以佐食也共用  
鹽菜銀五百五十二兩九錢石炭所以煉坯也共用  
工價銀二千五十三兩二錢夫出納明則支費足支  
費足則規模定此大工之成所以有可紀也嗚呼是  
工也匪才則孰與治匪機則孰與成吾岳時二公有  
馬邑縣志下

四

能為之才而又適接按二公倡可成之機才與機宜  
而治與成會此邊城之固足以為天下之托而二載  
之勞有以為萬世之利也久安長治之道端有賴於  
此矣是為序

新建唐鄂國尉遲廟記

御史蒙詔撰

自昔豪傑之生鍾天地剛大磅礴之氣豈特揚曜吐  
精樹勲業於當時已哉雖其沒也而是氣流通於天  
地間與日星並明與陰陽並運不隨生而存不隨死  
而亡每有感觸輒形諸夢兆若桴鼓影響然嗚呼烈  
哉予昔閱唐書嘗壯尉遲公之為人嘆其真豪傑士

非特將畧之雄也每讀其傳歛襟起敬久之而公則朔產也嘉靖丙寅歲予奉

命按治宣雲夏四月巡歷至馬邑一夕夢金甲神英姿環持直立馬上馬蹀躞若龍金戈翠旗導從前後謁予若有所訴者予覺大偉異其事翌日出至龍泉寺見唐鄂國公遺像在焉叩其所自邑尹吳子進曰鄂國舊有祠去此僅二里許藝於燹火有年矣棟宇灰燼惟神與馬巋然獨存居民不狎於棲神之無所權奉於此以存尸祝遂即其遺址觀焉草莽丘墟睠言懷感予曰異哉向夕予夢金甲之神非與祠前有金馬邑縣志下

五

龍池即桑乾河源也清漣澄澈嚴冬不凝邑尹復進曰舊傳池有龍時化為馬一驪一黃人莫敢御唯鄂國驍勇絕倫能跨而制之予又曰異哉予向夢金甲之龍駒非與夫鄂國輔唐昌運其所樹立固雄偉非常而臨陣決勝指麾馳驟無能當之者蓋得於馬力居多然則馬之為龍昭昭也乃千有餘載予夢中歷歷見之一何竒哉於是諸武士蹠而言曰惟我鄂公生此朔方靈憑於茲凡軍旅所向咸有陰助吾人藉神威久矣廟貌不稱何以振揚士氣乎於是諸耆民蹠而言曰惟我鄂公悒悒茲土民有寧宇歲時禱祀

應靡弗預患為之駭而灾為之禦吾人蒙庇久矣祀  
典不脩何以慰愜人心乎予曰噫哉夫有功於民則  
祀之能捍大患則祀之神無馬矧赫厥靈於夢寐是  
神之冀也民之望也而亦觀風者之責也盍祀哉盍  
祀哉乃語冀北分守范君暨邑尹謀新之乃為正祠  
三間轟如也為左右廊房六間耳房六間櫛如也為  
二門三間大門三間翼如也圍以堡墻周六十四丈  
一尺有奇曠如也戢如也地仍於舊紀芳趾也費出  
於公杜私擾也經始於去秋七月十日落成於今春  
三月念日周綜理也復買近地一頃以給守祠之後  
馬邑縣志下

六

圖久遠也聲以鍾鼓樹以干旌俾民耳目有觀聽也  
祠宇既成廟貌攸妥辦香瞻拜宛若夢中見者於是  
士氣奮揚人心孚悅適范君擢口北分巡周君以山  
西督學來代暨吳尹復言於予曰鄂國見夢於公豈  
惟其祠祀是崇哉亦將賴公文以垂不朽予曰有是  
哉顧予安能文之雖然公之勛業載在汗史者則不  
然可不勒諸貞珉以告於世予謹按史稽首言曰嗟  
嗟鄂國其真古豪傑士哉方其崛起兜鍪中遭際英  
主乘時奮翥嘗先登陷陣擐甲而擒世充攘臂而平  
黑闥搴旗而降建德奪槊而墜雄信一時智勇如衛

公褒公皆自謂莫及則公勲烈豈不巍然出諸將之上哉然世人皆知公雄勇冠軍至論公人品世未必盡知也予嘗究公為人大類關雲長云赤虬飄颻即髯絕倫逸羣也所向披靡羣雄膽落即羽威震敵國也躍馬突陣而脫秦王其視解圍古城者無愧也擒王琬萬人中叢刺莫傷其視馳勒顏良者何惡也羽於玄德投以肝膽公事太宗據以赤心尋相之誘不去建元之賄不入其精忠大節相符契也羽乘赤兔公得驪駒類皆龍種蓋天所默賚以弼成雄竦絕之蹟者又相膺合也雖羽不幸死國事公幸而興唐

馬邑縣志下

七

其大都實等埒焉然此特公論人品耳至其心術之微世又未必盡知也是故席次憤歐人謂公為非禮不知公忠義不容姦邪乃其天性視誤國之許敬宗懷姦之徐世勣不啻犬豕肯耳與為伍哉富不易妻人謂公守己介特不知公因是悟主使當時知此義則才人不選貞觀無養虎之愆昭儀不立永徽無牝雞之惡又安致顯慶以後紛紛哉噫此公處心積處之微世莫能知者予叙公勲業因白其心如此俾後為將者知先立根本毋徒視勇略為也嗚呼方今邊郵多警安得如公者坐鎮帥閫叱咤風雲使醜虜不

敢南牧以抒

當寧西顧之憂哉予聞朔俗慎伎好氣慷慨磊落士多  
生其地庸知不有繼公而出者哉文信國曰歿不俎  
豆其間者非夫也今廟貌赫奕人心敬仰又庸知不  
有興起奮勵思接武俎豆者哉予願公靈當默佑於  
斯也范君諱大儒山東霑化人庚戌進士周君諱斯  
盛陝西寧州人癸丑進士吳子諱國貢登州府人貢  
士於茲籌義殫力克襄成事例得書云

重脩唐鄂國公廟記

知縣王一鳴撰

馬邑城西北十里許舊有唐鄂國公廟創造罔稽何  
馬邑縣志下 八

時重脩於弘治辛亥歲有碑文可徵按公姓尉遲字  
敬德謚忠武族居鄴陽避稍以勇稱辭昏以義聞除  
亂輔德以忠貞著固宜凌煙昭一代之名馬邑享百  
世之祀者洎嘉靖辛丑歲北虜入寇殿宇神像焚毀  
幾於丘墟迺今戊申歲春

欽差鎮守總戎周 築長城萬里遠服胡人脩廣厦千  
間大庇塞士因武事之少寧乘農工之未作捐俸集  
財量功命日遣旗牌官劉勳同本城守備王貫董其  
役督千戶陳國謨趨其事且倡邑士及鄰境文紳武  
弁富者助以財貧者効以力暨本職率典史孟傑謀

諸儒學教諭李善訓導苟廉亦各贊襄於其間踰月  
苟完再月苟美正殿三間鄂公居之兩廊六間副將  
居之左右房六間以供春秋之祀內外門二座以嚴  
出入之防甬道周旋以便行禮垣墉繚繞以蔽窺褻  
煥然廟宇之一新儼然神像之魚備碧水帶環於前  
後青山屏列於左右天草鋪茵喬林設幕對景可以  
樂天真閒鷗浮藻遊魚穿蒲觀物可以形自得向日  
景物荒涼之區遂成登臨佳勝之地矣夫工不成於  
成之日必有所由起事不樂於樂之時亦必有所由  
兆即今

馬邑縣志下

九

天子端穆穆之容大臣廣休休之席軍門隆韓范之譽  
元戎擅頗牧之威北虜退處於窮廬黎元樂業於畝  
畝道路之間諜之往來晝夜無烽燧之警懼周公之  
力居多所以有落成之美也昔孔子曰俎豆之事則  
嘗聞之矣軍旅之事未之學也是匪直為衛君告所  
以為世道惜今而襲英雄之威望際世道之昇平報  
往昔之功勲舉廢墜之典禮予何辛而見俎豆之敦  
宗而不見軍旅之橈攘夫不見軍旅之橈攘周公匿  
武之功而見俎豆之敦崇周公覲文之力邊陲有此  
中原可知固可以慶幸太平樂舉祀事不然奔走禦



侮之不暇吾輩得以優游此境乎嗚呼若周公者畫  
策護民而安九邊之赤子盡心報國而鞏萬載之  
皇圖其勇義忠貞視鄂公諒不多讓則夫今之視昔亦  
猶後之視今也績繼凌煙祀享世廟不可立而待歟  
不可立而待歟茲我輩所以樂觀厥成而欲銘功於  
不朽也遂演以為記

重脩唐鄂國公廟記

府同孟周撰

桑乾冀北名川也發源龍池遡地會西山之脉撼洪  
濤之根通天池之絡放桑乾之瀾滂滂淵淵洞洞汨  
汨真魚龍居也志載池內獲馬之異及閱宋濂應制  
馬邑縣志下

一。

撰鬼羅國獻白龍馬記迹於志載符節相合迺知天  
啓明良川澤効靈非常也非誕也朔人尉遲敬德  
獲之屢收戰績土人竒其神也築廟池側及我  
太祖出主百神錄入祀典弘治間巡按侯公一恢拓矣  
歲久風雨震凌將為漁牧地矣嘉靖甲申夏侍御寧  
夏王公按朔道謁將軍真在此哉久而嘖嘖謂少叅  
王公僉憲田公曰忍是廢哉國家昭忠勸義之典可  
廢耶職祀典者即是而可占矣復謂守朔太監閻公  
曰君寄心腹此典

祖宗有天下首意也計果偕此不其克寄耶閻亟唯之

明日鳩工運材樹額易腐補弊繪落不踰夏於侯有  
光矣第見礎綉枕龍垆之勝飛甍跨馮夷之宮洪濤  
納翠舒卷烟霞海日朝紅浮沉金碧襟明月蘆華之  
渚掖青蓮碧水之禪清泉萬竇鏡撒輪旋池影星旗  
鼉吞蛟吐草烟點白鷺之幽柳衙浸琉璃之冷儲是  
清竒物有不異廟有不神人有不景哉昔朱文公為  
浙東常平使按黃巖首表溫節徐先生墓朱伯賢嘉  
其勵風勸也王公當人心震懾之際倉卒而倡此舉  
闔樂施已有夙夜祇承駿圖上答

高廟駕馭豪傑之意下慰九泉忠義之望中作隍陴歌  
馬邑縣志下 二

羨奮勵之氣不刑賞而風勸能心文公心矣然不請  
而令出後舉而人趨水村野廟動多繡之物色顏垣  
破厦煥丹雘之層光緣忠義之在人心千古不壞故  
翕應一機耳宋儒謂神不神於神神於人心之誠此  
類人或以武人目之不知公之武根於義盡於忠觀  
解衣出癥許婚面違可謂侃侃丈夫矣故謚曰忠武  
將軍名姓垂凌烟勲業悉許敬宗應制之碑文厚葬  
陪昭陵其廟貌迭新殆與水光山色爭明於無窮矣  
廟西五里周之別業也少嘗藏脩於是休日徜徉於  
是目其廢也特起玄都之慨感其興也遂忘續貂之

陋以塞請

重建鄂國祠碑記

給事中嚴從簡撰

馬邑之西北十里許有鄂國公祠故唐尉遲敬德所  
血食也其南即為金龍池界迫窮廬豺狼叵測祠之  
蕩於虜燹也有年矣歲丙寅柱史蒙翁近野奉

命按治茲鎮政成令洽百廢咸秩迺以其餘力聿新厥  
祠蓋鄂公朔產邦人仰止如淮陰之廟韓信解州之  
廟關羽所以崇遐勲倡雄氣而於邊壤為尤要焉先  
是近翁蒞馬邑一夕夢金甲神來謁英氣凜爍直立  
馬上馬道如龍歷歷可紀莫知何祥惟謹秘之翼日

馬邑縣志下

一三

聞金龍池即桑乾河源也因達觀焉得祠遺址荒雲  
宿草方為太息縣令吳進曰此池後魏以來相傳有  
二龍時化為馬一驪一黃天陰輒出人間牝馬遇之  
生駒神俊或有角若鹿茸然未有豢之者鄂國生而  
驍勇思收為騎每潛祠池傍果有神駒遊焉即飛跨  
其上駒欲入池鄂國力制驅迴嗣是出入兵革多藉  
其力後人因建祠於茲蓋謂天以授公存沒所憑也  
近翁悟曰異哉昨霄之兆豈鄂國以冥棲無據乘龍  
而告我乎且其豐功偉誼足表朔方祠非淫瀆久圯  
不葺政媿幽格其何以鼓舞士氣乎乃命縣令聚材

鳩工邑中子來煥焉美完予適以使至雲中近翁為道其詳屬予記之予讀唐史見唐太宗之於鄂國惟以一言作合曰大丈夫意氣相期嘗深味斯語謂豈特一時君臣之會為爾哉凡我志士達人雖曠百世且有相感者亦惟此意氣耳蓋氣在天地浩然流行其鍾於人也或為忠節或為政事或為武績或為文章雖樹立不同同於至大至剛之發越焉不以生有不以死亡不以古有不以今無固有通千載為一息者是故孔子見周公於几席其經綸康泰之氣通也陶潛見羲皇於北窓其淡泊真純之氣通也今夫鄂

馬邑縣志下

一三

國從太宗討竇建德王世充劉黑闥戰既高出諸將上然方其初附唐幕大分未定不隨尋相等叛去而傾心太宗及建成元吉誘以金銀一車不為動太宗有心如山嶽之許忠節武積鄂國之表見於昔者何剛大也近翁學冠天人才宏黼黻由進士拜大行采風四方燭乎不辱今驄馬行邊以春陽惠民以秋霜摧奸以時雨造士以盟鑑肅僚則文章政事近翁之顯設於今者何剛大也且鄂國固比隅名將既佐武德之勲及於貞觀弼成太平善政能以富不易妻辭尚帝女晚年自戢不通賓客克保令終尤文士知幾

之所不及是又非鄂國之所以俯俟不惑者耶近翁固南海名儒立朝正色風節獨擎繡斧攸屈駉虜遠適寓折衝於樽俎誠可謂壯猷允武是又非近翁之所以仰契不謬者耶意氣夙浹精神默孚夢寐之見亦豈偶哉且龍馬之說明証志冊固可覘乾陽之氣變化不拘而鄂國收之雖不史載然稱鄂國嘗以單騎蹈萬軍中叢刺莫傷雄信之園太宗幾陷鄂國躍馬大呼翼之出使其乘非龍種烏能若是捷足哉人傳當為不誣况祭法所載像奉為宜非特安鄂國之靈亦以秩正殷禮教人有勇知方也自今伊始香火

馬邑縣志下

十四

駢巖芘芬暢達觸處洋洋將使星輝狐嶺月朗鳳山其公委身英主之明見歟浪翻威海風鼓滄海其公決策秦府之雄斷歟雷轟鴈塞虎嘯榆林其公三奪利稍之叱咤歟氣消恒嶽蜂息白登其公翊贊

皇靈之玄威歟頗牧踵生韓劉輩出其公式穀後進之毓秀歟鄂國之氣瀰漫宇宙形著於西北而寄寓於一祠非鄂國之精爽不能妙感通於異代非近翁之卓越不能起積毀於煙莽其竒跡宏制皆可述也予故特闡其微以昭後人尚珍重厥祀時加敬護其培浩然者使龍驤之士應運名世以不負近翁相期無

窮之意氣云

建金龍池捲棚記

知縣王日新撰

萬曆癸巳之正月余奉

命令馬邑未就道時有客燕臺者謂余曰馬邑於古為  
寰州治之乾方十里許有池名金龍舊傳二龍出化  
為馬馬以龍故騰驤莫能制尉遲敬德氏跨之崛起  
山後為李唐名將譚雲中勝蹟必首稱焉比蒞任前  
大叅汴京周公過金龍余徃候之計時尚蚤因先謁  
尉遲公廟廟兩廊多繪事肖尉遲公像於其中凜凜  
有生氣當時單鞭奪稍之威可得於想像間出遂徒

馬邑縣志下

十五

步行小憩於今金龍池則見烟柳垂金春波漾玉恍  
若西湖漱灑殊不似邊地春暮猶苦寒也凭欄矚池  
中水清澈可鑑眉睫池水東流稍折而南約二射即  
產龍馬處深莫得其底池上有寺寺四圍皆水環遠  
之因額曰水圍西畔有公署堂阿門塾稍深邃乃寺  
之前止敬廳三楹基地址不能避風雨諸  
使者行部至多臨流具壺觸以暢幽懷預期必構棚  
棚用布彩嘗以時促不能具居民供應頗苦之一日  
父老謂余曰安得建捲棚三楹則一勞永逸也顧余  
以初至輒興土木又民苦貧材木瓦甍維艱未敢議

迨今歲春三月

侍御林公至有期諸公署當重葺池之廳有圯狀時示寂僧名圓行者頗持戒為邑之人重存日募萬人緣脩舍利院尚餘金若干余聞而喜曰東天即西天之佛也此獨非舍利處乎迺以其意白之

少叅盛公遂易房三楹撤而運之池之上為建捲棚計因以葺池之廳費頗饒不足則又益以公帑之美命丞廣武驛張子介與住持僧明月督其事甫旬日棚翼然煥然而廳前有棚後有屏兩傍有牕眎昔之隘且陋不復同矣或曰王子侈游觀乎余曰案牘旁

馬邑縣志下

十六

午催科無暇日安能杯酒流連光景也然則王子其先憂後樂者與余曰檮腐之材謬典疲邑土瘠而賦重民貧而役繁且也路當三晉之衝冠蓋時或相望受事以來日夜焦勞頭上髮星星白乃若所憂誠有之樂則吾不知也僧明月以棚成當有記紀歲月余因次前說以為之記

詩歌

遊神頭山

知縣王一鳴

神頭山下黃道泉故老相傳幾百年天池飄墜車輪在金珠又見七魚穿出沒潛通真竒絕混混日夜崑崙泄共工觸倒不周山天柱折兮地維缺脉絡直衝

尾閭開萬丈洪濤一滾來  
滄的神婆無去處攜兒奔  
上北山隈氣喘神體勞  
無力手按山頭暫憩息  
曉起窮荒乏鏡臺  
牙梳塵滿無人拭  
神婆發憤氣猶龍  
推倒雷山一二峯  
東海順流千里去  
週折關河幾萬重  
平灘遺與幽人寓  
問津嘗訪桃源路  
白蘋紅蓼傍晴州  
野鷺閒鷗依晚渡  
春回淑氣正暄妍  
勝日尋芳述古聯  
兩箇黃鸝鳴翠柳  
一行白鷺上青天  
南薰披拂景悠哉  
傲暑閒將好句裁  
一水護田將綠遶  
兩山排闥送青來  
牢落烟霞值晚秋  
古人佳製與今謀  
殘星幾點鴈橫塞  
長笛一聲人倚樓  
太呂吹殘葭管  
灰霸

馬邑縣志下

十七

橋詩興慢猷推  
岸容待臘方舒柳  
雪意衝寒欲放梅  
遊子關山應有約  
四時風月休閒却  
翻雲覆雨隨浮沉  
海角天涯任風泊  
回首長安雲路遙  
參差樓閣傍層霄  
瓊筵金縷消  
長日寶鴨龍涎俟  
早

朝孤臣流落窮荒域  
風起塵沙天改色  
三月忘味豈聞韶  
數間破屋聊為息  
故鄉遙望白雲邊  
鴈門紫塞互相連  
舉目江河風景異  
陰陰高柳不聞蟬  
泮水相逢一二客  
笑談共生三生石  
隰水冷冷含太虛  
塞風淅淅侵瑤席  
水哉水哉逝不窮  
曾悲胡馬飲西風  
而今萬里長城在  
伏劔崆峒氣若虹  
奮然一指旄頭落



堯天蕩蕩祥光爍喜逢河潤海波澄活水源頭分一  
勺易水寒兮沂水溫此水夏冷冬燠存浩浩七泉通  
地竅汪汪千頃接天源坎德醇良調五味造就飲食  
和腸胃海鹹河淡醴泉甘玄酒太羹天一氣君不見  
名川巨瀆滿中原銀漢滄溟雪浪翻勝地無人不贈  
句良辰有客便頃罇嗟爾七輪生邊邑浮光靜影軋  
坤翕夜闌星月照寒潭璞石獨有卞和泣囑付山人  
莫把滄浪輕留與時賢好濯纓好濯纓奮力輔  
皇明一朝挽回天池水洗絕胡塵萬古清

洪濤雨霽

馬邑縣志下

十八

彷彿正峯插太清行雲行雨互陰晴雨餘粧點芳園  
媚月煥融光寶鏡明西子新粧烏髻縮南威初盡翠  
眉橫凭高遙送元龍目一片襟懷萬古情

玉泉秋聲

直上波濤三尺高飛來點點落瓊瑤清風帶雨思瀟  
颯白電連山合動搖鱗屋龍宮驚霹靂貝宮朱館間  
笙簫翻思往昔朝真者羽佩琳瑯颺玉飈

鴈門聳秀

少昊行秋紫塞涼雨餘頓改鴈山光虎幟旌旗濃墨  
染石壁樓臺淡粉粧紅葉飽霜渾覺醉黃花笑日欲

飄香此時邊將凭欄日五色雲飛遶 帝鄉

古寰落照

浮屠千尺插穹蒼倒影婆娑射遠岡列草參差橫朔  
野落霞來徃際燕鄉牛羊促地歸荒徑鷺鶴翻空下  
碧塘猶有二三僧住持數聲鐘磬掩昏黃

櫓臺遠眺

李靖行踪世已休危樓猶可縱明眸青林隱顯長城  
疊白草高低亂塚丘鴻鴈遠拖秋色去鷺鷗斜帶夕  
陽浮山河若歷前人事幾度興亡嘆白頭

龍池月夜

馬邑縣志下

十九

龍沼周遭遶綠蕪星稀雲靜月平鋪分明塞北初懸  
鏡彷彿江南小樣湖梵宇波涵沉影壁水晶盤捧夜  
光珠鄂公汗馬功勞大羸取凌煙古畫圖

桑乾冬燠

雲樹蒼蒼拂曙霞渡頭人喚渡頭家斷橋流水搖紅  
影寒雪飛空落鬢華驚散鷺鷗漁父棹吹殘星夜戍  
樓笳山光隱隱朝曦上已映灘前紅蓼花

神坡古寺

古寰南上紫金山山畔神坡古寺間落盡丹青閑聖  
壁老殘松檜擁禪關門臨蒼莽無人過閣倚嵯峨有

鳥還欲拂斷碑尋建號不堪文字染苔班

游金龍池

提學副使

名失傳

秋宮光映水光藍午夜分明月浸潭一脈不知來遠  
近衆流分見下東南清分逼我渾忘俗好景令人每  
駐驂人傑地靈相倚伏應知鍾秀產奇男

題尉遲敬德廟

前人

金龍池口水如藍長夏涓涓浸碧潭千古佳名傳冀  
北一團清致勝江南月明夜靜鳴禪磬樹密風寒駐  
客驂憶自鄂公勲業後有誰能繼作奇男

謁鄂公祠

御史蘇天佑

馬邑縣志下

二十

閣顏遺像凋生色池古荒祠俯碧泉天馬千秋空渥  
水雲龍一代已凌烟可憐契合風塵際大美飛騰戰  
陣前旗鼓倘仍懸大將犬羊寧復冠頻年

題桑乾河

參政蘇志臯

吾鄉最苦桑乾水今日尋源到此間說與山靈牢記  
取休教東入紫荆關

游金龍池

舊傳二龍出化為馬

御史吳禮嘉

一池深碧自何年見說神龍向此卷願化雄鳴雙寶  
劍橫飛朔漠淨胡天

與雨山李君碧登回承鹿坪郭君召因約觀金

龍池

太僕卿申維岱

道出龍池近還約鷓序  
眈金龍化已久池水尚堪憐  
縱是沙為岍不為風所擊  
隆冬涵暖氣朝日散清煙  
潤藉桑乾遠激激霄漢  
連濯纓慙我鬢把釣柰塵緣  
攜取橋中意悠懷泌什篇  
徘徊歸次晚候炬滿前川

冬日同申玄野同卿李雨山兵憲游金龍池

參議郭性之

池裡龍飛不計年  
龍門雙節駐川池  
流影漾桑乾  
月龍馭羣空  
冀北天喜御仙舟  
還泛泛愁看鳥  
欲翩翩留君莫厭平原飲  
一別雲橫萬仞巔

馬邑縣志下

二十一

游金龍池

參政周于德

野闊平池樣碧空  
桑乾一派近相通  
蕭條蒲柳新霜  
露寂寞魚龍  
舊渚宮秋老  
鴈關明漢月  
田連馬邑盡  
堯封好將滿地深  
源水興作邊氓  
灌溉功

過乃河望尉遲敬德故宅

前人

戟如攢棘劍如林  
百戰英雄國士心  
共事一時投意  
氣結交原不問黃金

題金龍池

永年馬之麟

朔州守

平泉噴玉湛深池  
派衍桑乾古渡湄  
汗血浮蹤傳尚  
信泣珠潛室轉生疑  
洪濤沒虜迷天塹  
細潤興苗入

野陂直向盧溝橋畔注金湯千里壯 皇維

游金龍池擬古

東牟王日新本縣令

金龍金龍幾經年于今池上水潺湲一泓清碧可人  
愛凭欄欲去又依然我聞聲品匹九逸追風逐電還  
稱德一朝際遇良將才長安日照黃金勒敬德梟雄  
軼千古單鞭奪稍人爭詡山後誰知烈士名池邊浴  
馬救英主聞難當年躍馬來雄信膽落水之隈勤王  
不用飛羽檄氣如潮吐聲如雷帳下初標虎士名解  
衣同榻心已傾雄圖俠骨俱銷歇凌烟遺跡尚轟轟  
池水東流波蕩漾廟貌巍巍池之上島夷年來正陸  
馬邑縣志下 二十二

梁東征安得如公將余家海上時方苦倭故云

水圍寺

前人

池塘凝碧沁漣漪中有琳宮鎖翠微四壁光涵圍夜  
月三冬氣煖映朝曦鐘聲斷續人間隔花影扶疎僧  
舍宜坐久塵襟渾滌盡頓忘蓬跡寄天涯

登櫓臺

前人

高臺百尺倚青穹登眺翩翩眼界空遠近逢巒環足  
底縱橫斗宿列懷中波濤夜見龍池月樓閣秋凭鴈  
塞風造化看來原在我須將丹粒起疲癯

續錄

夏日遊金龍池漫成一律一紀簡王茂宰

關中辛志登 左參議

平生故有煙霞癖每到登臨便不還  
自向龍池來睡賞誰驅車馬去  
間關濯纓苦憶綸巾白把扇懸驚舞  
袖斑無那雙飛天外鶴致身千仞  
杳難攀立馬郵亭拂袖塵炎蒸  
逃暑水之濱幾回欲向臨池醉  
只恐清溪解笑人

遊水園寺

東牟王德新 前容城令

梵王宮殿敞朱扉夏日攜樽入翠微  
地靜紅塵無處着雲深白鶴有時歸  
細縕嵐氣連千嶂瀲灩波光繞

馬邑縣志下

二十三

四圍彷彿如來真境界山人留偈欲皈衣

登櫓臺

臺為李靖所築觀星者

前人

舊築高臺不記年築臺人去斗星閑  
空餘樓閣烟雲裏常見闕山朔漠間  
往事不須增感慨清時自喜足  
躋攀衛公勲業俱湮沒只此遺踪在古寰

文明閣

在櫓臺上

起下足乘雲霧升高手摘星辰百尺爭  
誇危峻千年永翊文明  
洪濤山人題

小憇水園寺 四首

御史湯北京

菰蒲深處綠成陰  
水榭周遭灌木森  
不信滄洲移紫塞  
何妨攬轡便抽簪

水園孤寺一僧多  
鏡裏紅塵迥不遇  
唯有幽禽啼白晝  
閒持貝葉坐青莎

觸暑馳驅亦可憐  
披襟蘭若水中天  
何人恨瘦桑乾去  
此日臨流自爽然

日昨驂駢又撲塵  
波光迴首意愈親  
林香冉冉花無主  
谷響嚶嚶鳥送人

水園寺

嶧山潘榛 主事

馬邑縣志下

二十四

移蓋池亭下悠然興自生  
水清方照物山遠不知名  
蒲柳群相向鳶魚各有情  
留連迷去路誰謂是邊城

過尉遲敬德廟懷古

前人

鄂公英風古無比  
此日過公之故里  
里中祠廟肖遺容  
血食伏臘無窮紀  
毛髮欲動色欲嗔  
行人瞻之肅馬起  
祠傍猶有金龍池  
人傳天馬生池裏  
為龍為怪故不馴  
公自伏之如蝼螳  
跨來酣戰幾百場  
劃然隋楊始定李我仰  
高踪一此遊  
低徊日暮脫劍履  
潺潺池水西還東  
落落群山岵與岵  
水流山峙古今同  
英雄戰骨今枯矣

過水園寺

漳浦楊一葵 副使

夾路垂楊蔭古堤，行春聊一探幽棲。  
江天日麗群峯霽，劍戟霜明萬馬嘶。  
檻外浴鳧紛共語，山中稚子喜相攜。  
閑愁到此渾忘却，縱飲何妨醉似泥。

過馬邑宋明府要遊水園寺臨池泛舟 二首

濱隸劉餘澤 按察使

何來鴈塞得龍湫，行色還因地主留。  
林水賸餘濠濮想，蘭舟不減習池遊。  
芰荷入夏紅芳歇，明府曾種蓮未發葭  
菼連天碧浪浮。無數白鷗窺客去，應嫌車馬點滄洲。  
古木陰陰曲檻底，石亭窈窕枕招提。  
逢僧細問津龍

馬邑縣志下

二十五

事金龍池名對酒閑聽翠鳥啼，水月滌沙時上下。  
曇雲拂樹自東西，山光欲暝猶遲戀。  
可柰紅塵促馬蹄。

水園寺和

楊致老憲使韻 二律

東魯張中鴻 左布政

蒼蒼山色暎芳堤，為愛池亭暫此棲。  
翠荇牽風鳧共浴，綠楊含霧馬頻嘶。  
澄潭聞說雙龍化，絕塞惟將一劍攜。  
漫捲湘簾飛紫燕，梁間勿訝落香泥。  
梵王宮殿鎖荒堤，地迥倫宜高隱棲。  
香裊博爐僧入定，花迎征蓋馬長嘶。  
環臺碧水凝無底，襲袂白雲似可攜。  
且喜榆關烽暫息，憑君重借一丸泥。



水園寺二律用

憲長楊先生韻

海岱張中鵠

古刹煙籠倚綉堤溶溶碧水抱禪棲上方清磬聞僧  
語夾道綠楊聽馬嘶世外煙霞探便得夢中蕉鹿豈  
堪攜况逢賢主能相款適意何須羨紫泥  
離披草色綠楊堤雨霽閑雲樹杪棲鍾度曉風襟梵  
唄泉穿石溜瀉哀嘶籌邊艾可三年蓄覽勝圖將五  
岳攜清賞且拚今日醉升沉何必嘆雲泥

金龍池二律前韻

楊花飛雪颭香堤一水拖藍透梵棲檻外魚遊鷗欲

馬邑縣志下

二十六

下池中龍去馬猶嘶山僧共話風幡動旅客空將書  
劍攜家夢中猶未至一尊聊此踏香泥

白蘋紅蓼暎煙堤片片白雲護竹棲鄂國雄姿猶睨  
蠻金池龍馬尚嬌嘶望中烟樹思如結客裡驚花酒  
漫攜試向禪關詢老衲蓮花何日出深泥

聞池中曾栽藕故及之

霍直指龍池別業

用任令韻

朔州守鄭時舉

清沅一派下山橋草岸盈仁起迅飈萬丈洪濤驚怪  
湧滿川餘潤應江潮浮鷗盡夢閑青壑古木雲蒸插  
碧霄堪羨此中多逸致暇來嘯傲興偏饒

馬邑新秋

鄭時舉

塞上塵清日裏中氣爽初雨餘蘇壠土霜晚慰菑畲  
山淡雲根冷葉殘樹影疎秋光行且暮向傍犬羊居

秋日野眺

千家砧杵映秋風四野輕清此日同方羨水天唯一  
色更憐雲樹又雙空憑闌遠送城南燕依檻回看塞  
北鴻滿眼殘花真寂寞教人暗地想山翁

霍直指近水樓飲薄暮泛舟龍池鄭時舉

高樓席罷錦帆開簫鼓中流亦壯哉薄霧平鋪溪影  
寂微風乍動水紋來燈明兩岸驚龍窟月印三秋近

馬邑縣志下

二十七

古臺慷慨主人多逸興何妨沉醉卧山隈

仲秋祀洪濤山眺望

任澄清

洪水發源清脉通天乙精百泉山下出一派地中行  
古廟雲長鎖孤峰雪乍晴登臨情不已緩步到西城

洪濤眺望和前韻

霍鏌

山水自饒清蒙泉更吐精乾龍來脉聳野馬逐波行  
幽宵偏宜嘯登臨最喜晴陽春况有脚早已布邊城

新春喜雪

任澄清

昨宵騰六驚飛輪暗送瓊花報早春庾嶺敲殘梅蕊  
落梁園點綴柳枝新灞橋驢背詩思遠夜棹山陰興

趣真最愛陽春白雪景好將樽酒賞芳晨

新春喜雪和前韻

霍鏌

風吹玉葉掩冰輪六出平鋪大地春舞絮乍驚時序  
改烹茶偏覺物華新藍闌撒馬忠還篤瀚海吞裘節  
更真泰谷幸逢鄒子律敢云難和負良辰

和鄭公祖九日泛舟韻

前人

登高四望笑顏開復盪蘭橈更快哉岸柳迎人分綠  
過淵魚弄月耀光來參差歌管催行酒寂寞烟波冷  
釣臺借問蓬瀛何者似仙舟共泛白雲隈

盆菊

任澄清

馬邑縣志下

二十八

紅上白上間黃上次第移來列畫堂一自別離彭澤  
後風塵不染有餘香

寒鵲爭梅画

前人

雪裏花開獨占奇紛紛鵲噪向南枝野橋無限芳菲  
意絕勝鶯啼蝶舞時

霍公祖別業觀龍池

前人

一派汪洋架彩橋水晶宮殿雨瀟上風掀巨浪聞龍  
吼月擁清波見海潮鷗鳥忘机眠翠柳樓臺壯麗薄  
青霄中流砥柱狂瀾靜滿目雲山景色饒

秋日大同道中

前人

朔方落木悲深秋，衰髮彈冠學壯遊。  
塞上風霜驚鴈度，城頭鼓角動邊愁。  
寒煙殺氣冲霄漢，白草黃雲遶戍樓。  
胡馬干戈猶未歇，請纓誰復繫毡裘。

雲崗洞觀石佛

前人

巍亾古洞倚雲開，斧斲神工亦異哉。  
千佛靈光歸淨土，諸天法象傍巖隈。  
石龕不惹風旛動，蘭若惟看夜月來。  
空寂儼然西域界，喜逢僧話共追陪。

春日左衛道中

前人

邊城荒徼地，蝴蝶夢中身。  
戴月長驅馬，停車數問津。  
黃沙迷萬里，白雪積三春。  
僕亾關山道，低頭愧殺人。

馬邑縣志下

二十九

次龍池前韻

霍鏌

水斷長堤續小橋，激湍靈籟響森瀟。  
銀河傾瀉驚風雨，碧海依稀聽汐潮。  
檢點虛舟空世界，凭臨浩月冷雲霄。  
旄旌况復來仙令，從此山林趣更饒。

水園寺

任澄清

水寺湖天一徑通，綠陰深處小橋東。  
龍媒已去今何在，留得清池對梵宮。

水園寺前韻

霍鏌

盈亾一水四圍通，流過寒潭古廟東。  
夜靜禪林明月上，恍疑身在水晶宮。

神馬記

知縣任澄清撰

馬有神乎曰有上古羲皇之世負圖而出於何者非龍馬耶後世有產於渥窪者又何物耶蓋天地間物之最靈者莫如龍而生物不測者莫如水故蛟龍天馬恒產於水馬唐鄂國尉遲公乃一代元勳當年金龍池所獲之馬實天降之毛龍也余蒞任甫浹旬時九月既望吏請備牲醴粢盛謂詰旦應祀鄂公脩故典也是夜余夢有馬立大厦下毛骨駿異狀若龍驤第見厦屋傾圮天雨瀉淋以蘆席覆其馬之脊若有不堪居處狀夢既覺余悚而異之於是櫛沐待旦偕

馬邑縣志下

三十

韓李二廣文及從祭諸文學蚤有事於鄂公祠登堂駿奔觀其廟貌森嚴凜凜猶有生氣既而至神馬控立之所果見楹宇塌頽不蔽風雨馬有斷其脊裂其首缺其足者宛然夢中之境也於是命匠增脩施以丹堊而楹與馬且煥然一新矣余惟鄂公汗馬之勞照耀千古當年追風逐電所向無敵者固公之勇畧絕人亦豈非龍馬之力哉乃知鄂公之英靈百世不磨龍馬之精靈亦與之俱不磨其出也為馬其歸也為龍又豈因迹像之成虧為龍馬之增損也乎贊曰龍馬之見天助英雄維夢有感繫神所通

# 馬邑縣志跋

邑必有志者紀其實也志必重刻者通其變也蓋國家採風貢俗程物比事唯志是據變而通之存乎其人前者有作後者繼焉所從來矣第其事欲核核則信其詞欲直直則公非公且信摠之于志無當已馬邑在古為

馬邑縣志下

跋一

寰州前時志未有作者作之自邑進士武公文始歲月既久闕失漸多曩邑侯寧海王君曾董弟子員校讎而壽之梓已彬彬稱完錄矣迨自萬曆乙未而後迄今又一紀有餘其山川疆理之跡物產土俗之宜即今昔不殊而氣化之災祥民生之利病營建

之沿革與夫循良之政科貢之名不  
無與時運相為盛衰而變遷者倘闕  
逸靡紀後將何述歲乙巳邑侯宋君  
以齊魯之英奉

命而來下車後即詢邑志咨故實閱人  
文輒慨然欲重修之顧以為初政未  
遑也越今已三載課績矣諸凡利者

馬邑縣志下

跋二

興弊者剔訟者平賦者均載在士民  
所為寔政錄中者若陶之善埴圓中  
規方中矩匠之善木曲中鈎直應繩  
于治可稱有成矣會戊申夏承  
當路者檄俾重刻邑志遂屬諸士而  
告之曰若生于斯長于斯其耳目之  
所睹記罔不詳悉間有所宜增減者

當與衆商確以成信史不然而傳者  
安于習述者狃于襲是土美也志之  
不核焉用文之諸士曰唯唯退而謀  
諸野得之者舊濟以傳聞事有該于  
原本者則因之而不革事有未經紀  
載者則益之而不泥視曩者所志尤  
加詳焉余惟晉乘甲天下使經聖筆

馬邑縣志下

跋 三

當與春秋等馬邑雖其一隅乎得  
侯之修而志愈重且使後之君子繼  
此而興者得有所攷則斯志也其永  
光晉乘哉余固嘉侯造馬邑之意甚  
盛而又樂侯之志成也因僭而序之  
用垂不朽云  
奉政大夫臨洮府同知霍錢頓首拜撰